

**IN CLEMENTEM 8.
PONT. OPT. MAX.
ORATIO ET CARMEN
ROBERTI TITII
BURGENSIS AD...**

Roberto Titi

IN
CLEMENTEM VIII.
 PONT. OPT. MAX.
ORATIO ET CARMEN
 ROBERTI TITII BVRGENSIS.

AD
 ILLVSTRISS. AC REVERENDISS.
 PETRVM ALDOBRANDINVM
 CARDIN. AMPLISS.
 Ferrariz Legatum, &c.



BONONIAE,
 Apud Hæredes Ioannis Rosij. MDCXVIII.
Superiorum permissu.



PETRO ALDOBRANDINO
CARDIN. AMPLISSIMO.



ILLICVS *ut domino secundi munus*
agelli
Desert, puniceis plena canistra
rosis ;

Et quibus arentes aestus, ac frigora brumæ
Defendit manibus poma nouella suis:
Sic ego florentis cultor nunc sedulus horti
Has violas, atq; hæc pauca volema fero.
O Tibi, Flos Iuuenum, modò non videatur inane
Hoc studium, quo Te nunc ego ritè colo.
Forſan & ingentes olim Tibi frugis aceruos
Ipſe metam, & larga grandia farra manu.

ROB. TIT.



ILLVSTRISS. AC REVERENDISS.
 PETRO ALDOBRANDINO
 CARDIN. AMPLISSIMO.



IN communi omnium letitia, qua
 Vrbs hæc plurimum, aut potius
 ultra modum exultat ob prospe-
 rum in eam aduentum Patruī Tui
 Viri semper quidem certè præstan-
 tissimi, nunc verò Pontificis Opt.
 ac Max. haudquaquā me conti-
 nere potui (Cardinalis Ampliss.) quin & ipse quoq; ali-
 quod gestientis animi indicium, quacunq; tandem ratione
 possem, praberem: ac, quoniam politiores literas in hoc cele-
 berrimo Gymnasio docendi partes sustineo, minimè alie-
 num esse à meo munere existimaui, si quippiā in eo ipso gene-
 re, quo Tibi voluntatem meam vicunq; patefacere, ela-
 borarem: ac præterea summis votis semper equidem expeti-
 ui, aliquam mihi occasionem dari Te adeundi, & studiū
 A 2 menm,

meum, quo Te incredibili prosequor, declarandi: iamdiu enim prudentia, pietatis, iustitiae, integritatis, continentiae, liberalitatis Tuae fama longè, lateq; peruagata est, ut omnes, quicunq; virtutis amore capiuntur, & liberales disciplinas colunt, Te certatim ament, ac venerentur, & in Tuam se gratiam insinuandi cupiditate maxime flagrèt. Quoniam verò in eo dignitatis gradu constitutus es, qui parum omninò distat à summo: ipse contrà mediocris me fortuna hominem esse agnoscebam; iccirco, nisi aliquam nactus essem per commodam occasionem, Tibi obstrepere non audebam, quæ se se tandem in hac publica omnium ordinum letitia mihi obtulisse visa est: Igitur paucula hæc in eo genere literarum, quod, etsi vniuersè mihi cum multis commune est, nescio tamen quo pacto, magis adhuc particulatim ad me hoc quidem tēpore pertinere videtur, inter multas, variasq; meas occupationes, nec non in summis tēporis angustijs, ac difficultatibus propè subito quodā quæstro percitus exarui, non qualia quidem voluissem, verum talia, ut inde facile Tibi sit acerrimi iudicii viro coniectare, me ardentissimo desiderio correptum esse eæ literarum monumentis consignandi, quæ Patruus Tuus: verè ille quidem Maximus, & Sanctissimus Te vel auctore, vel impulsore, vel certè administro præclare gesserit, quæ prorsus innumerabilia sunt, & immortalitate dignissima: nisi si penitus indignus videbor, qui tantā rem aggrediar, præsertim cū plures in cōtubernio Tuo viros eruditissimos habeas, qui onus hoc multo sanè cōmodius, ac magis

gis ex dignitate, quàm de me fortasse Tibi liceat polliceri, perferre queant: sed hoc Tu diligentius expendes: mihi certe nunquam voluntas, ac studium deerit Tibi semper gratificandi, & quacunq; tandem ratione id consequi poterò, sedulò, ac fideliter inseruiendi: Interim tamen Tuæ, Patruiq; laudes his meis scriptionibus utcunq; adumbrata potius, quàm suis coloribus expresse ad te proficiuntur tanquam testes mei erga utrunq; vestrùm cultus, & obseruantia. Spero autem fore, ut, quæ Tua est humanitas, quam à cunctis exquisitissimis laudibus efferrì audio, in hoc paruo munere meam voluntatem potius, quàm conatus exitum inspicias. Equidem omnibus ego letitijs incedam, prorsusq; mihi beatus esse videbor, si ad gratiam Tuam aliqua ex parte promerendam hic quasi quidam internuncius viam mihi, & aditum patefecerit, ad quam Iacobi Mazzonij, viri illius quidem omni literarum genere perfecti, ac perpoliti, memoria verò tanta, quantum in alio numquam fuisse legimus, ac propterea Tibi, dum vixit, longè charissimi, & mihi ob nonnullā, quam is de meis literulis conceperat opinionē, amicissimi, opera uti decreueram: neq; verò dubitabā fore, quin saltem tanti viri commendatio Tuæ benevolentiae particulam mihi aliquam conciliaret: nunc totum Tuæ humanitati acceptum referre debebo, si, ut spero, & opto, me in gratiam receperis, inque eorum numerum collocaueris, qui Te & plurimùm admirantur, & Tuas virtutes maximas, & innumerabiles mirificè, ut par est, suspiciunt, ac prædicant;

nam

nam μὴ μὲν τούτων hoc, quod nunc Tibi offero, non utiq; tanti esse scio, ut per se quicquam mereatur, & ego hoc sanè tempore omni prorsus fautore careo, qui me apud Te in gratiam ponat; Igitur Tuae partes erunt, hoc est eius, cuius humanitas ab omnibus dilaudatur, hanc mea erga Te voluntatis, ac desiderij testificationem grato animo suscipere, mihiq; aliquantum benevolètiæ Tuae liberaliter impertiri. Vale. Bononia. CIO IOXC VII.

Amplit. Tuae

Deditis. & obsequentiis.

Robertus Titius.

A D

A D
 SANCTISSIMVM D. N.
 DOMINVM
 CLEMENTEM VIII.
 PONT. OPT. MAX.
 O R A T I O.



PRATISSIMVS hic Tuus ad-
 uentus (Beatissime Pater) vni-
 uersum Bononiensem popu-
 lū incredibiliter quidē exhi-
 larauit, eaq; voluptate peni-
 tus perfudit, qua maior nec
 dici, nec sanè excogitari po-
 test: ac verò parietes ipsi, & hoc solum, quod San-
 ctitatis Tuæ iucundissimo aspectu mirificè recrea-
 tur, si vocem emittere possent, huius ingentis læti-
 tiæ signum non leue, ita me Deus amet, præberent:
 domus etiam, templa, mœnia, cuncta deniq; publi-
 ca, priuataq; ædificia propè conuulsâ fedibus suis
 Sanctitati Tuæ certatim obuiâ processissent, Eamq;
 cupidissimè excepissent: Sed certè nil planè dubito,
 quin saltem in oculis, vultu, ipsis deniq; totius cor-
 poris motibus ciuium Bononiensium incompara-
 bilis huius lætitiæ indicia sanè quàm luculenta per-
 spexe-

spexeris, ut iccirco maximam in spem veniam fore, ut
 à Te facile mihi ignoscatur, si munus, quod partes,
 quas hinc sustineo, nescio quo pacto mihi prorsus
 imponere videbatur, paucis omnino verbis absolue-
 ro, neq; n. (ut arbitror) valde opus est prolixiorē ora-
 tionem pertexere ad ostendendum Sanctitati Tuæ
 ingens, & incredibile gaudium, quod vniuersi ordi-
 nes ex Tuo in hanc Urbem accessu perceperunt: &
 alioquin grauissimæ tanti Tui muneris curæ longio-
 rem sermonem non admittunt; atq; ego quidem rei
 mole obrutus multò libentius alios dicentes audirè,
 quàm ipse quicquam coram eius Principis, qui prę-
 potentis Dei vicem in terris obtinet, maiestate elo-
 querer: etenim ad eas difficultates, quæ cuiq; puden-
 ti viro, ac de sua existimatione sollicito non sanè
 mediocres obijcere se se consueuerunt in omni ser-
 mone publicè coram præstantibus viris habendo,
 plures, atq; eæ quidem maximi momenti nunc acce-
 dunt, quas quomodo superare queam, non sanè vi-
 deo: Itaq; si quid ego vnquā perinuitus faciendū su-
 scepi, aut aliqua in re animū despondi, propterea
 quod imposito mihi oneri nequaquā me parem esse
 intelligerè, hoc quidem tempore maximis in angu-
 stijs me versari sentio: Sed fuit mihi prouinciæ, quæ
 hoc à me propemodū necessariò exigere videbatur,
 satisfaciendum, atq; illi studio, quo erga quamlibet
 insignem virtutem mea sponte feror, magis autem
 parti-

9

particulatim adhuc erga Sanctitatem Vestram af-
 fectus sum, aliquo pacto inferuiendū: spero autem
 multò sanè facilius veniam me apud Eam, ceterosq;
 Præstantissimos Proceres, qui nunc hîc adsunt, re-
 perturum, si quicquam in dicendo peccauero, quàm
 si rustica quadam animi peruicacia hoc munus om-
 ninò detrectassem. Præterea nil prorsus dubito,
 quin me de Christi Vicario verissima prædicantem
 Christi aura prosequatur, & dirigat: cuius ope, &
 auxilio non modò vastum CLEMENTIS OCTAVI lau-
 dum oceanū turò ingredi mihi licebit, verùm etiam
 recto, & nunquam aberranti cursu in portum non
 exigua cum animi voluptate peruenire concedetur.
 Antea quidem multa de Tua (Beatissime Pater) in-
 tegritate, innocentia, religione, prudentia, iustitia,
 moderatione animi, temperantia, mansuetudine,
 clementia, liberalitate, cæterisq; virtutibus, quibus
 præ cunctis maximè enites, commemorari audieba-
 mus, deq; ipsis nil prorsus dubitabamus: at nunc ea-
 dem omnia coràm quasi oculis intuemur, longèq;
 maiora esse prædicatione ipsa manifestò cognosci-
 mus:&, quemadmodū summa illa beatitas, quæ pro-
 bos omnes post hoc æuum manet, magis omninò
 animos nostros oblectabit, cùm ab his carnis nexi-
 bus exoluti in cœlum euolauerimus, tametsi eius si-
 duciā hîc in terris certissimam habeamus, & men-
 te non dubiè conceperimus; ita, nescio quo pacto,

B

magis

magis omninò afficiamur aspectu Săctitatis Vestræ, cui bona illa omnia, quæ modò innui, cumulatissimè insunt, quàm si eadem narrando explicari, quod hactenus factum est, audierimus; neq; enim huiusmodi ea sũnt, vt vereri oporteat, ne præsencia, quod in cunctis alijs rebus accidere propemodũ consuevit, minuantur: hoc scilicet proprium est veræ, solidæq; virtutis, in quam Tu semper à teneris (quod aiunt) vnguiculis incubuisti, exemplo Parentis, ac Thomæ fratris, quorum probitas, atq; alterius quidem in Iurisprudentiæ studijs eruditio, grauissimisq; istius Sacrosanctæ Sedis negocijs pertractandis usus, ac dexteritas; alterius in omni genere literarum, quæ nos ad humanitatem informant, exacta cognitio toto orbe notissima est, id quod etiam vtriusque scripta manifestò demonstrant. Sed & Ioannis alterius Tui fratris virtus Tibi ad tantā sapientiā præiuit, quem meritò Pius Quintus Pont. Max. præclarorum ingeniorum acerrimus æstimator ob egregia ipsius animi bona in Cardinaliũ ordinem cooptauit. Igitur ad optimam Tuam indolem domestica quoque accesserunt exempla, quæ sanè plurimum in vtramque partem valere consueuerunt. Ficta probitatis ostentatio facillè detegitur, nec diũ potest simulari; ea certè si in Te fuisset, tot prudentissimos, & sapientissimos viros, qui Te familiarius cognitum haberet, longo tempore non fefellisset, nec
cum

eum sibi, totiq; Christiano orbi præesse voluissent, à cuius moribus omnis fucus, & fallacia non abesset; præsertim cum in sacro isto Purpuratorum Ordine plures reperirentur, quorum virtus, & probitas omnibus perspectissima esset: neq; verò vita Tua in obscuro latuit, ut, qui de Te hoc præclarum iudicium fecerunt, videri possint opinionem quandam probitatis potius secuti fuisse, quàm ipsam rei veritatem: nam, ut alia interim prætermittam (neque enim finem ullum mea reperiret oratio, si vel tantum summa capita rerum præclare à Te gestarum attingere vellem) nobilis illa Tua Legatio ad Sigismundum Suetiæ, & Sarmatiæ Regem de grauib; & ad vniuersam Christianam Remp. pertinentibus negocijs, qui vir esses, & quantus manifestò declarauit: sed, ut dixi, ne cuncta antea actæ vitæ Tuæ præclara facinora singillatim commemorem, quod etiam, ut maxime vellem, vix, ac ne vix quidem præstare possem, postquam ad hoc Honorum, ac Dignitatum fastigiū, supra quod in terris ascendere non licet, à Deo euectus es, quænam quæso religionis, iustitiæ, clementiæ, pietatis exempla non edidisti? Flagrabat paulò ante pernicioso, atque intestino bello Gallia omnis, postquam Henricus huius nominis Tertius Rex nulla non virtute cumulatus improuiso, atque inopinato casu ex humanis excessit: Erant qui Henrico Borbonio, ad quem Regni illius successio iure

sanguinis pertinebat, prauas opiniones de Christo, eiusq; in terris Vicario clanculum instillarent, ipsiq; Regium animum penitus imbuere niterentur, & ad praua, perniciosaq; impij illius Caluini dogmata siue fouenda, siue suscipienda enixè hortarentur, homines nimirum nequissimi; ac perditì, & qui ruina, & interitu iuuenis planè Regij potètiā suā, & dominatū in Gallia stabilire conarentur, vt purā, sinceramq; religionem à Clodouci Quinti Francorum Regis temporibus in ea prouincia cupidissimè susceptam, & per mille centum fermè annorum spatium constantissimè retentam armis, & machinationibus penitus exturbarent, veræq; pietatis, ac Religionis specie toto Regno per vim, ac dolum exterminarent, eiusq; vice impiam quandam Zuinglij, & Caluini teterrimorum hominum persuasione, siue potius effrenem rerum omnium licentiam paulatim inueherent. Cuncta armis perstrepebant, ingès belli incendium illic excitatum esse apparebat, quod non modò Galliam omnem longè, latèq; peruagaretur, sed vniuersum etiam Christianū orbem non multò post esset correpturum. Præuidit illa sua diuina mente Sixtus Quintus Pont. Max. hanc impendentem calamitatem; & quorsum res tanta breui casura esset, non dubiè præsensit; qua re incendio illi maturè occurrendū ratus nullum non lapidem mouit, nihil penitus intentatum reliquit, quò ipsum ci-

tò restingeret; atq; in primis Regem ipsum vel ad sanitatem reuocare, vel in prisca disciplina aduersus factiosorum hominum commenta, & opinioniones retinere studuit: hæc Eum præclare meditantem mors inopinatò corripuit: Successisti Tu demum (CLEMENS OCTAVE) & in ipso rerum discrimine salutare omninò remedium percommode, atque in tempore adhibuisti: auocasti enim Regiam stirpem à prauis opinionibus, èq; manibus eorum penitus exemisti, qui eam quasi manicis, & vinculis constrictam derinebant, nec eò liberè ferri sinebāt, quò maiorum suorum virtus, & ingenij præstantis impetus ipsam incitabant: neque enim dubium esse poterat, quin Regia indoles ad optima quæque raperetur, quod ita esse res ipsa deinde satis superq; ostendit: hinc statim euenit, vt Henricus Quartus Regni auspicijs more maiorum fuerit inauguratus, in perijq; habenas communi omnium bonorum lætitia sumpsit, qui vsque ad illam diem seruus amicorum, hostis Christiani nominis habitus fuit. Egrege Tu quidem isthoc factio boni pastoris munus, partesq; omnes impleuisti, ac nomini, quod Tibi Pontifici non sine diuino numine inditum fuit, cumulatè respondisti: Atque hinc etiam factum est, vt bellum, quod antea cum ipso Christo geri quodammodo videbatur, quodque totius nobilissimæ illius prouinciæ perniciem secum trahebat, ad priuatas quas-

quasdam duorum Regum inimicitias trāslatum sit, quos Tu Reges vt componeres, nihil non conatus, nihil summo studio nō molitus fuisti, vt tandē Tua diligētia, & auctoritate inter eos firmissima pax coa- luerit; quod totum vni Tuæ prudentiæ, ac pietati cuncti acceptum referre debent: Hæc res bonorum animos ita voluptate compleuit, huiusmodi gaudio Christianos homines tam lætum nuncium affecit, vt nihil cuiquam iucundius, atque opratius in vita accidere potuerit: Primū enim Christiana Respub. à grauib, & intestinis bellis, quibus iamdiu exagitata propè corruit, interquiescet, ac pacis commodis tandem aliquando frui incipiet; deinde communes vires aduersus communem hostem expedire, ac dirigere poterit, quas aliter profundere non aliud esse dixeris, quàm Christum ipsum in suis membris acerbè dilaniare. Hoc vnum egregium factum, vt alia omnia abessent, Tuum in terris nomen celebre, atq; immortale reddere potest, Teq; in cœlestibus sedibus æterna illa beatitate dignum efficere, in quam Tu semper oculos, atque animum intentos habes, ita quidem, vt numquam alibi respicias, numquam cogitationes Tuas aliorsum conuertas. Atque, vt omnes Tuæ actiones ad vnum Christum tantūmodo referuntur, nullum proprium commodum sibi propositum habent, maiorem vtiq; voluptatem huius duorum illorum Regum animorū consensio-
nis

nīs accepto nuncio Te hausisse nouimus, quàm vlla
 ditioni Ecclesiasticæ urbium, prouinciarumq; acces-
 sione, quamquam & hoc quoq; causam publicam
 respicit, sed illud verè est Christi regnū amplificare,
 & fines istius Sacros. Sedis longè, latèq; promouere.
 Huic insigni, & nūquam satis laudato facinorī pro-
 ximum est, quod totis his quatuor proximè superio-
 ribus annis in bello Turcico pstitisti; nā cū Amu-
 rathes Turcarum Imperator infesta signa in Panno-
 niam intulisset, cunctaq; igni, & ferro latè popula-
 retur, atq; etiam Iauarinū munitissimam illius pro-
 uinciæ arcē vi, & armis expugnasset, eòq; res Chri-
 stiana propemodū deducta esse videretur, vt de Ita-
 lia defendenda iam esset cogitandā, ea Rodulfo Au-
 striaco Germanorum Imperatori, & Christianæ re-
 ligionis acerrimo vindici auxilia submisisti, vt eis
 impetum hostilis exercitus non modò represserit, ac
 retuderit, sed etiam fregerit, ac penitus disiecerit.
 Nam Strigonium prænobile Pannoniæ oppidum,
 & aduersus Barbarorum incursiones munitissimum
 propugnaculum Tuīs militibus è Turcarum mani-
 bus creptum fuit, post alterum & quadagesimū de-
 niq; annum, quo id Solimanus nostris ademit. In
 hac Vrbe, quæ totius Regni metropolis perhibetur,
 sacra demum Christiano ritu celebrari, ac veri Dei
 cultum bonorum omnium incredibili cum volupta-
 te, ac plausu reuocari vidimus, nimirum opera, &
 confi-

consilio Tuo (Pontifex Maxime) qui non sāt habēs magnā vim militum, ac pecuniarum tūm ipsi Chri-
 stiani nominis Imperatori, tūm Sigisimundo Batto-
 rio Daciæ Regulo suppeditasse; Io. Franciscum Al-
 dobrandinum gentilem Tuum virum strenuū, Ti-
 biq; longè carissimum illuc semel, atq; iterum mittere voluisti; scilicet vt eius prudentia, consilio, auctoritate res melius procederent, eiusdemq; præsentia cuncta fidelius administrarentur; tantus Te amor ceperat boni publici, & salutis eorum hominum, quibus Turca graue seruitiū quotidie minitatur: ac nisi Deus Opt. Max. impietatis, ac scelerū penas à quibusdam summo iure reposceret, iam Tua opera, ac studio splendidissimum de truculento illo tyranno triumphum duci vidissemus; neque. n. rei benè gerendæ occasionem, & facultatem, sed voluntatem potius aliquibus nostris ducibus defuisse constat; quantum igitur quorundam segnitie reprehendi meretur, quæ tam insignem victoriam, nec difficilem paratu sibi è manibus elabi passa est, tantum Sanctitatis Tuæ feruens studiū ad hostem profligandum, totoq; regno penitus exuendum cōmendari debet; quamquā quod hactenus omissum fuit, breui utiq; effectum iri certissimis indicijs auguramur, adeo in hanc rem noctu, atq; interdium Te sedulò, ac diligenter incumbere nouimus, & quidem vel Te auctore, & impulsore tanta res transigi debet, vel omni-

omninò de Pannoniæ, Daciæ, ac Germaniæ, addo etiam Italiæ nostræ, cuius fores vtraq; manu Turcarum imperator iam validissimè pulsât, incolumitate actum est, adeò cômunis, atq; acerbissimus Christiani nominis hostis frequentium victoriarum accessione insolenter se effert. Deceßit nuper Alfonsus Atelstinus Ferrariensium Dux, cuius morte Vrbs ipsa Ferraria, & reliqua eius ditionis oppida ad Romanam Ecclesiam lege redierunt; Exultinabat Cæsar Atelstinus non nihil iuris in illa oppida se habere, atq; iccirco in Ferrariæ possessione tantisper saltem sibi esse licere, donec impensæ, quæ à superioribus Regulis in Vrbe illa, & agro factæ dicerentur, & quarum causâ publica vectigalia, cæteriq; ditionis illius redditus aucti essent, præsentî pecunia sibi restituerentur. Hæc res iam inde vsque à Pontificatu Pij Quinti multùm, diùq; in consultationem vocata est, cùm persæpè Alfonsus instaret, vt Cæsar, quem alioquin à iure succedendi prorsus exclusum esse sciebat, noua concessione inter beneficiarios, vectigalesq; Pontificum reciperetur. Semper visum fuit Sâctissimis illis Patribus hanc rem Alfonso ipsi per amplas condiciones, & ingentia præmia offerenti iustissimis de causis minimè concedi oportere; itaq; cùm post ipsius mortem Cæsar se pro Ferrariensium Duce palàm venditaret, huius rei Tu quidem indignitate vehementer, vt par est, commotus fuisti:

C

sti:

sti: cùmq; propterea ius Apostolicæ Sedis vi, & armis Tibi statim persequi licuisset, nihilominus, vt spatium resipiscendi, & ad se redeundi homini dares, verbis, & cōmonitionibus cum eo non semel egisti, atq; vt ab alienis rebus manus abstineret, quodque nisi per summam iniuriam obtinere non posset, volens, ac libens dimitteret, plurimùm es eundem cohortatus, neq; interim tamen ei prohibuisti, quin ius suum placidè, & vt leges iubent, experiretur, imò verò publicè proposito edicto ad id peramanter hominem inuitasti, qua in re clementiæ, ac paterni amoris non leue sanè specimen præbuiisti; nam Tibi obuersabantur animo miseriæ, & calamitates, quas bellum, quod necessariò Tibi erat suscipiendum, si ille pertinaciter imperium recusaret, esset pariturus: Itaq; cùm primum spes rei componendæ Tibi afflisset, eam statim percupidè arripuisti, pluraq; de Tuo iure tùm familiæ nobilitati, tùm Principibus, qui à Te id vehementer contenderent, tùm Cæsaris iam nunc succrescenti virtuti largiri maluisti, quàm vel vnus militis interitu ingētia cōmoda, quæ non dubiè sperare poteras, adipisci; neq; id tamen sine iltius Sacros. Sedis maxima dignitate effectum est, quam Tu semper ante oculos propositam habes. Indigebat ea res dexteritatis, & diligentiae singularis, nec Tu poteras tot negocijs vnus sufficere, quocirca, tamen si ijs virtutibus, quæ necessariò tunc requirebantur,

tur, complures in isto Purpuratorum confessu maximè excellerent, Tu tamen Petrum Aldobrandinū Cardinalem Amplissimum, & in quem omnia bona Deus Opt. Max. effudisse videtur, summa prudentia, ac diuino utiq; consilio delegisti, vt eo administro tantum negocium transigeres; licet nihil quicquam paulò grauioris momenti accadat in Repub. Christiana, quod non eiusdem contentione, & studio percommode conficiatur, adeò à teneris annis moderationem, prudentiam, dexteritatem, constantiam, grauitatē imbibit, vt verè Tu Petrus, ille Clemens videri possit. Is, cum Tuos sensus optimè teneret, opinioniq; de se apud omnes iam diu commotæ vndequeq; respondere percuperet, omni ope sibi laborandum censuit, vt susceptum negocium, ac totius rei summam ad optatum finem perduceret; neq; ea in re voluntatem Tuam, cunctorumq; de se expectationem fefellit; ac ne potuisset quidem, cum is à Te in Christi Ecclesia veluti planta constitutus, ac diligenter excultus fuerit, vt non modò præstantes inde flores apparere, qui bonorū animis iucunditatē, & spē vitæ lætioris afferant, verumetiā fructus ostendi debuerint, quibus alantur Christianæ mētes, quibusq; nihil esse potest non modò suauius, verumetiā ad æternam salutē vtilius: & iure quidem fit, vt tali dignitate decoratus talē se præstet is, qui natus in illustri familia, educatus, atq; institutus in ea domo, in

qua semper viguit pietas, semper culta probitas est, totū se ad tanti præceptoris, tanti patris, tanti principis imitationem contulit. Igitur eius opera, & consilio, quod cum Tuo sensu (Beatissimi Pater) mirificè congruit in Ferrariæ possessionem peruenisti, quòd vix fieri posse initio videbatur, huiusmodi sunt hominum iudicia de viribus Pontificijs: Sed nunc demum compertū est Augustissimæ istius Sedis arma valdè quidem esse pertimescenda, nam & ancipitia utiq; sunt, ac cæsim, punctimq; feriunt, &, quod plurimum semper valuit, non nisi summa iustitia promi consueverunt, ut meritò ipsius immortalis Dei manu vibrari credantur, quam quis effugiat? aut cuius ictum quis vunque tardabit? Consequens esse videbatur, ut postquam Te maxime verendum cunctis ostendisti, clementiæ quoque Tuæ fructus aliquos in Ferrariensem populum diffunderes: ergò publici redditus, & vectigalia, quæ iam in immensum creuerant, quibusque propterea plebs illa ita premebatur, ut propemodum opprimeretur, intra inodum statim cohibuisti, licentiâq;, ac petulantiam factiosorum hominum, qui suo arbitratu, nullisq; legibus astricti, præsertim si cum tenuioris fortunæ hominibus negotium ipsis intercederet, viuere consueverunt, ita quidem temperasti, ut nunc omnibus æqua sit viuendi potestas. Et, ut reliqua, quæ adhuc supersunt ad optimè Urbem illam,

illam, & vt Christianum Principem decet instituē-
dam, ac temperandā, perficiantur, necessarium du-
xisti (Beatissime Pater) isthac ingrauescenti aetate,
isthac valdè iam affecta valetudine, hac anni non
omninò cōmoda tempestate ad eam Urbē Te quā-
primum conferre, vnde propius clementiæ Tuæ, ac
pietatis radios, ceu Sol, qui cuncta suo lumine col-
lustrat, quācūq; opus fuerit, disseminare posses,
& quidem Card. Aldobrandinus eam sementem il-
lic fecit, ac Tu deinde clementiæ Tuæ radijs ita eam
fouisti, vt vberes, ac suauissimos fructus in dies expe-
ctare liceat; Sed tamen longè plura adhuc, longeq;
præstantiora de eadem illa Tua pietate, clementia,
studio ad Christianam Rempub. propagandam sibi
cuncti pollicentur, ac nemo iam dubitat, quin restin-
ctis iam Tua opera duorum Christianorum Princi-
pum odijs, ac dissidijs eam animorum, ac virium
coitionem inter eos instituas, quæ communem ty-
rannum, & nominis Christiani infensissimos ho-
stes funditus euertat, ac deleat, præsertim cū in
Pannonia res prosperè fluere videantur, ac iam Dei
fauor non dubijs indicijs incipiat apparere Iauari-
no, cuius modò commemini, diuino quasi quodam
miraculo tam facile ex hostium manibus extorto;
quo Tu nuncio audito lachrymas præ gaudio con-
tinere non potuisti. Ergo nemo non sperat, vt his
prosperis successibus Christiani Principes incitati,

&

& auctoritate Tua , paternisq; admonitionibus impulsus quàmprimùm arma expediât , vt communem hostem coniunctis viribus adoriantur . Ac iam cuncti populi fidenti , & alacri animo ad tam nobile , tam exoptatum , tam pium , tam necessarium bellum se certatim comparant , vt nemo futurus sit , qui non libentissimè fortunas omnes suas , & sanguinem pro Christi causâ profundat , modò vexillū illud , quod nos ad cœlestia regna non dubiè vocat , compendiariumq; iter ad ea ipsa nobis patefacit , tandē aliquando proferatur . Hæretici quoq; , quorum ingenium hætenus contumax fuit , & refractariū , sensim incipiunt non minus Tuæ vitæ continentia , & sanctitate permoti , quàm Christianæ doctrinæ veritate persuasi cordis illam duritiē mollire , ac frangere , suauissimumq; Christi iugum subiectis verbo ipsius ceruicibus demissè recipere : Sed & alia quotidie moliris , & perficis , quæ ingentem scriptoribus materiâ præbebunt , in quam vim omnē eloquentiæ penitus effundant , eademq; futuris Põtificib. exemplo esse poterūt , quo animi ardore , quantaq; sollicitudine ius Apostolicæ Sedis , Christianiq; gregis incolumitatē tueri , ac quærere oporteat . Nam quod sæpè aliquot Pontifices post Vrbanum Secundum magno studio efficere conati sunt , vt in Turcas , reliquosq; Christiani nominis hostes piorum Principum vires vniuersæ penitus effunderetur , ac Iudeæ regnum è profanæ

fanæ illius gentis manibus per vim extorqueretur, omnes à Te breui tranſactũ iri ſibi perſuadent; neq; enim quĩſquam dubitat, quin hæc Tua profeſſio grauĩſſimorum negociorum cauſſa ſuſcepta fuerit, atq; intra ſe maius quiddam contineat, quàm quod prima fronte præſeferre videatur. Atq; in hac opinione magis adhuc homines confirmantur, quòd Philippus Auſtriacus Hiſpaniarum Rex Põtificum mandatis numquam ſe obſequentiſſimum non præbuit, ac nihil magis vnquã in optatis habuit, quàm pro Chriſtiana religione egregium aliquod facinus perpetrare. Henricus verò Galliæ Rex non minori & ipſe quoq; eiũſdem rei deſiderio flagrare digno ſciĩ, id quod hæctenus palàm oſtendere ei non licuit multis de cauſſis, quæ, quoniam omnibus in promptu ſunt, conſultò à me prætermittuntur; ſed nullo certè pacto dubitari poteſt, quin & ipſe quoq; maiorum ſuorum veſtigia perſequi velit, quæ adhuc in nobiliſſimo illo Iudeę regno impreſſa cernũtur. De Venerorum autem Rep. quis dubitabit? cùm ea periculo propior ſit, nec ad quẽinquã magis pertineat illius tyranni vires debilitare, & infringere, quàm ad ipſam; itaq; certum eſt fore, vt ea priuatæ nonnullorum vtilitati propriam, totiuſq; Chriſtiani nominis publicam ſalutem præferat; & fluxam, malèq; coalitam pacem, quàm tyrannus ille ſuo arbitratu & ſeruat, & infringit, nõ quidem violet, ſed tanquã

vi extortam pro infecta habeat, Christiꝑ; voci ad se nobilissimam illam gentem quodammodo reuocanti volens, libensꝑ; obtemperet; vnde fiet, vt absq; alius cuius hortatu & Sarmatæ Europæi, & Moschi, & Armenij, & Persæ, & Arabes, & Aethiopes certatim rebus suis consulant, & quisꝑ; pro viribus tyrânidem illâ excutere, ac subuertere conetur. Nec plures huic tantæ rei adiutores deerunt, nam & Germaniæ Principes in partem gloriæ venire cupient, nec nostri Itali vllis vnquâ sumptibus, ac laboribus parcent, quominus & ipsi quoque in tam illustri bello egregiam operam nauent: ac iam Ferdinandus Medices Magnus Dux Etruriæ, quo animi ardore erga hanc insignem expeditionem feratur, abundè superioribus annis declarauit, cùm semel, atq; iterum non exiguas copias, & fratrem præterea consilio, manuꝑ; promptum, lectissimosꝑ; nepotes in Pannoniam miserit. Vincentius quoque Gonzaga Mantuanorum Dux nequaquam se continere potuit, quominus cum insigni peditum, equitumꝑ; delectu illuc celerrimè aduolaret, vt prælio, quod cum Turcis commissum iri sperabatur, interesset. Cæsar quoq; Atestinus maiorum suorum virtutem egregiè æmulatus futuræ suæ gloriæ primordia in tam nobili expeditione libenter auspicabitur. Raynutius verò Farnesius egregius & ipse quoq; adolescens, & in spem gloriæ paternæ, ac nobilissimæ domus, in qua virtus omnis,

& liberalitas tanquam in proprio domicilio sedes iamdiù fixit, genitus laudem à maioribus suis partam, ac nuper à patre aduersus bellicosissimas nationes mirificè amplificatam nō modò tueri volet, sed etiā longè superare conabitur. Nec minus Genuensiu Resp. huic expeditioni plurimū adiuuēti, qđ ipsam aliàs in persimili caussa egregiè præstitisse constat, terra, mariq; suppeditabit: ac nullus deniq; Princeps, & Resp. in tanti muneris partē certatim venire non cōtendet; cū Tu præsertim Deo auctore, atq; impulsore classicū cecineris. Sed nec duces quoq;, & imperatores tātæ rei defuturos video, q̄ veteres illos Goffredos, Boemundos, Vgontes, Gualteros, Tancredos; aut recentiores Coruinos, & Caltriotos virtute referant: nam præter Austriacos fratres, & Sigismundum Battorem, ac nonnullos Germaniæ procures, quorum virtus superioribus bellis non semel enituit, plures in Gallia, Belgio, Hispania reperiuntur, quibus meritò tantum imperium demandari possit: Sed Franciscus Maria Vrbinatium Metaurensium Dux præstantissimus adeò nunc prudentia, consilio, auctoritate, rerum bellicarum vsu, & peritia inter omnes excellet, vt cunctorum oculos in se vnum conuerterit. Carolus quoq; Allobrogū Dux, & Subalpinorum Princeps ea militaris disciplinæ documenta iamdiù præbuit, vt meritò tantæ rei præfici possit: Sed hoc, & alia omnia, quæ isthac

D

diuina

diuina mente (Beatissime Pater) assidue meditaris, prudentia Tua facile expedies: minorum autem prefectorum, & eorum, qui ordines ducāt, tanta copia nunc Tibi suppetit, vt ex his vel iustus exercitus facile conscribi possit; contrā verò adeò attrita est res Otomanica, ea militum, ac ducum penuria laborare dignoscit, vt veluti grex absq; pastore, incondita, & imbellis illa turba hūc, atq; illūc omni consilio, ac viribus penitus destituta temerē oberret; sic olim Cyclops ille, cui (vt est in fabulis) oculum, quo vno fuerat præditus, Vlysses eruit, vasta corporis mole hūc, atq; illūc nutabundus, & cadenti similis ferebatur, ita ut cuius facile esset ipsum humi prostrernere, atq; interficere: hanc Tu tantam opportunitatē (Beatissime Pater) diffuere non permittes. Sed & ferox ille Goliath, qui vnus complures Hebræorum singulari certamine contumeliosissimè prouocare consuevit, vnus deniq; adolescentis, atq; illius quidē inermis funda prostratus temeritatis suæ iustissimas pœnas dependit; & quidem ita humano auxilio fidentum est, ne in diuino parū præsidij posuisse videamur. Memorant sacræ literæ Gedeonem, cui postmodum è re ipsa Ierobaali nomen inditum ferunt, cum aduersus Madianitas, & Amalechitas exercitū comparasset, iussu fuisse à Deo, vt ex trigintaduo-
bus hominum milibus, quos in armis haberet, eos tantummodò secum retineret, qui nullo futuri præ-
lij

lij timore corriperebuntur; itaq; decem milia dumtaxat cum eo remansisse; ac, ne ij spem victoriæ in suis viribus ponerent, iussisse Deum, vt eos modò sub signis retineret, qui canum ritu aquam ex flumine lāberent, dimissis cæteris, qui in genua procumbentes è flumine haurirent; illos tercentum tantummodò fuisse historia narrat, quorum ope, & auxilio ingentem hostium multitudinē præter omniū expectatiōnē Ierobaalus in fugam vertisse dicitur; sed qui Deū propitium haberet, nihil vtiq; sibi pertimescendum esse intelligebat: hos paucos igitur Ierobaalus summi, atq; omnipotentis Dei iussu ad non dubiam victoriam perducebat, cū Leonidas ille Spartanus totidem, quos Persarum regi ad Thermopylas obiecit, in apertū vitæ discrimen coniecisset: Sed & Iericuntis mœnia diuino auxilio statim corruerunt, cū circum ea sacri fœderis arca sacerdotum humeris sublata ferretur, & sacrę buccinę vndiq; insonuissent: Hęc Tibi (Beatissime Pater) assiduè ob oculos obuersantur; atq; ea Tua est de diuino auxilio spes, & fiducia, vt, quemadmodū Pij V. viri & maximi, & sanctissimi precibus gloriosā, ac penè incredibilem victoriā superioribus annis aduersus immanissimū hostem ad insulas Echinadas diuinitus partam nouimus, ita breui Tua ad Deū deprecatione splendissimū in Pannonia ex eodem tyranno trophæū Rodolfo Austriaco statuere liceat. Equidē sentio me

rerū hæctenus à te præclarè gestarū multitudinē fer-
 mē obrui, &, quemadmodum vasa, quorum venter
 amplius est, os verò angustum ægrè liquorem fun-
 dunt, sic nunc ego plura, quæ mente, animoq; con-
 cepti, nulla sanè ratione dicēdo explicare me posse
 intelligo: Ac præterea maxime vereor, ne qui ea lō-
 gè supra suum captum esse sentiunt, non veritati
 me inferuire, sed Tibi potius blādiri, ac delicias face-
 re voluisse existimēt; siquidē ita natura comparatū
 est, vt quæ se factis assequi posse homines diffidāt,
 de alijs eadem falsò prædicari autument, vel sal-
 tem illis inuidiosè aures præbeant, ipsaq; in animū
 ægrè prorsus admittant. Si qui fortè hæc adstant
 tā peruersa natura, & ingenio præditi, vt quicquam
 tale existiment, ij nimirum longissimè quidē à veri-
 tate feruntur, nec satis Te (Beatissime Pater) nouis-
 se videntur, nisi si potius praua animi inductione,
 aut etiam oculorum vitio à luce abhorrēt; est enim
 omninò Tua vita illustriori loco posita, quàm vt à
 quoquā ignorari possit: de me verò, qui semper in-
 tra meos lares cū vxore, & filiolis libenter me con-
 tui contentus ijs facultatibus, quas meo mihi labo-
 re, & industria quotidie parare possem, nec vnquam
 aulicam vitam attigi, imò verò quodam humili, ac
 nescio an subrustico pudore lucem istam, & fulgo-
 rem purpuræ vel consultò vitauī, vel certè non ma-
 gnopere quæsiui, non æquū iudicium faciunt; nam
 tan-

tantū abest, vt vlla spe, aut cupiditate illectus viribus eloquentiæ, quæ in me vel nulla est, vel certè per exigua, quicquam veritati affinxerim, vt potius panegyricorum leges prorsus contempserim, nec rhetorum præcepta satis diligenter custodierim: illud. n. mecum reputabam, me coràm Pontifice, & coràm eo Pontifice, qui cunctas suas actiones ad Deū Opt. Max. ipsiusq; gregis commodum, & vtilitatem dūtaxat referat, verba facere; quocirca maximè cauedum mihi fuit, ne ipsius modestiam, pietatem, verum erga Dei cultum suboffenderem; præterquam quod omnes hi sanctissimi Patres, qui hîc assident, Tuorumq; consiliorum causas, & rationes optimè norunt, tacito mentis cōiicio vanitatis me insimulare possent: ac fortasse ne boni quidem oratoris, qui & idem vir bonus in primis esse debet, munus obirem; Equidem literarum monumētis proditum esse memini; Agesilaum Spartanorū Regem ad eū, qui rhetorem laudabat, quòd vi, & facultate dicendi res paruas magnas efficeret, sapienter dixisse, ne futorem quidem probum sibi videri, qui paruo pedi magnum circundet calceum; tàm verò peccat, ac mendacij labem contrahit is, qui quod nunquam ab aliquo factū sit, ei per delicias tribuit, quàm qui vera supra modū extollit, atq; orationis artificio in inmensum adauget; neque aliunde malè audiit Cephisophon, qui profitebatur se de qualibet re integrum

grum diem dicere posse, cùm existimarent sapientes illi viri, boni oratoris esse orationē rebus æqualem habere. Ancillētur igitur suis Principibus homines blandiloqui, & vt videri volunt, belli, atq; urbani, neq; non plenis vlnis in suos Traianos, Maximianos, Constantinos, Theodosios, Iulianos, Gratianos laudes, hoc est meras adulationes, meraq; mendacia certatim congerant: ego homo ferme subrusticus, nec ingenio, aut studio blandus, aut vlllo modo ad adulationem effectus de Christi Vicario non nisi vera, atq; omnibus explorata proferā; eaque ipsa cursim, & summatim potius indicabo, quàm fusè, & oratorū more prosequar: quamquam ne hoc quidē pluribus faciam, cùm initio mihi proposuerim non quidem laudes, & res præclare à Te gestas singillatim commemorare, sed tantummodo testificari gaudiū, & voluptatem, quam ex Tuo in hanc Urbem aduentu Bononienſes ciues perceperunt; sed nullo tamen pacto præterire possum diligentiam, & studium, quod assiduè adhibes in corrigendis, castigandisq; moribus Christiani populi: quin, vt cuncta rectius procedāt, Christiꝑ; cultus ea, qua decet, dignitate administretur, Tu ipse in Sacerdotum vitam sedulo inquiris, nec vlli prorsus labori parcis, vt eorum doctrinam, mores, vitæ integritatem, accurationem in suis muneribus fungendis probè cognita habeas: Itaq; crebrò inuisis colle-

gia,

gia, monasteria, sodalitates, cœtus eorū, qui Deo magis particulatim se dediderunt; nec cuiquā munus vllū in Christi Ecclesia obeundū imponis, quem non prius diligenter, ac sæpè Tu ipse propositis quæstionibus ad officium, quod ei demandare cogitas, pertinentibus excusseris, atq; exploraueris. Iam neminē in Episcopum eligis, quem non longè etiam accuratius pertentes, & vt aiunt, intus, & in cute perspicias; scis enim, quàm eius vitam irreprehensibilem esse oporteat, à quo nimirum cæteri deinde rectè viuendi exemplum petunt. Quid verò dicam de delectu, quem in Cardinalibus creandis adhibere soles? quàm prudenter, quàm sincerè, quàm circumspectè eo in negotio semper versaris? vtpote qui Te Christo in terris socios, & discipulos eo facto adiungere probè intelligas, quod quanti sit ponderis, ac momenti nemo est, qui ignoret. Si vlla vnquam in re Pontificum natura, & iudicium dignosci potest, in Cardinalibus eligēdis id præcipuè perspici consuevit, nam quilibet pro suo sensu comites sibi, & administratos adiungit, eosq; in primis sibi studet asciscere, quorum ingenium cum suo vehementer cōsentit. Neminem Tu ea dignitate, quæ, vt proximè ad supremam accedit, ita summa utiq; circumspectione tribui debet, vnquam Tibi exornandum putasti, cuius vitæ integritas, & innocentia, summa erga Deum Opt. Max. pietas, & religio, exquisita bona.

bonarum literarum cognitio, & disciplina, cunctæ deniq; virtutes, quæ Christianum hominem in primis decent, non Tibi modò, cuius iudicium in tantâ re falli non potest, maximè probatæ fuerint, sed cunctorum etiam prædicatione palàm sint cognitæ, atq; perspectæ; vt non tanti faciat homines in Cardinalium se ordinem cooptari, quàm à Te, qui in eum referantur, dignos existimari. In hac re nihil Principum gratiæ, nihil familiarum nobilitati, atq; amplitudini, nihil sanguinis coniunctioni Tu vnam tribuisti: quantum quisq; meritus esset, tantum apud Te gratiæ semper obtinuit, vt etiam non fueris veritus, cū res ita tulit, in summorū virorum indignationem, & odium incidere, ac Principum quærimonias magno animo semper contemnere, cū Tibi nihil magis curæ sit, quàm Christi honor, & glória, istiusq; Sacros. Sedis dignitas, & respectus, præ quo cuncta nihili ducis. Iam verò de summa liberalitate, qua pauperum inopiam, & misérias assiduè subleuas, plura commemorare superuacaneum fuerit, cū hoc adeò proprium sit Tuæ pietatis, vt nihil omninò magis, inq; eam rem non exiguum pecuniarū vim quotidie soleas erogare. Atq; hæc de Te (Beatissime Pater) non generatim, & communiter ita dicuntur, vt eadem de alijs quoque dici posse videantur, sed propriè, & particulatim Te vnum respiciunt, præterea neminem. Plures non
popu-

populorum caussa magnorum negociorum administrationem suscipiunt, sed sui tantummodò commodi gratia imperium sibi deferri cupiunt, persimiles mercennariorum, qui non gregibus curandis studium, ac diligentiam adhibent, sed pecori deglubendo intenti sunt. Tu magnum onus in magna dignitate agnoscis, & nisi Dei negocium ea in re versaretur, summo isto Magistratu, quem multi ambitiosè nimis deposcunt, non inuitus Te abdicares: sed nec admodum hilari animo eum suscepisti, cum quantum oneris in Tuos humeros reciperes, non ignorares; ut Tuo exemplo sanctissimorum illorum Pontificum memoriã utiq; renouari cognouerimus, qui ex speculuncis, & latebris, in quas de industria se abdiderat, inuiti, ac repugnantes, ad summum Pontificatum educabantur: nam, etsi Cardinalem agebas, ita tamen totum Te veræ pietatis operibus, & contemplationi dedideras, ut mente in cælum translatus quodammodo videri potueris. Denique, ne mea se oratio præter modum diffundat, ac Tibi (Beatissime Pater) Tuarum rerum commemoratione molestus appaream, quæ de pluribus Pontificibus singillatim recenseri possent, ea de Te vno verè affirmare licet: ac, quemadmodum Roma orbis compendium esse fertur, sic Tu omnium sanctissimorum Pontificum quædam quasi viua, & expressa imago cèseri potes: quibus de causis vniuersus Bononiensis

E

sis

sis populus, qui sub Tua placidissima, & æquissima
 gubernandi ratione conquiescit, incredibilem ex a-
 spectu Sanctitatis Tux voluptatem capit, seque
 Tibi non solum communi omnium Christianorū,
 & qui ditioni Pontificiæ subsunt, nomine obstrictū
 esse agnoscit, ac præferit; sed magis etiam particu-
 lares causas huius cultus, & obseruantix se habere
 profitetur; in primis verò, quòd ex itinere huc de-
 flectere voluisti, vt augustissima præsentia Tua cun-
 ctorum ciuium animos, & oculos oblectares, atque
 vniuersum populum præteritorum annorum incō-
 modis non mediocriter conflictatum reficeres, ac re-
 creares, cuius Tux erga Vrbem hanc propensionis,
 & beneuolentiæ ne vnquam memoria inter-
 cidat, curauit iam Senatorum ordo
 quàm diligentissimè,
 sed quisq;
 suo in corde, atq; animo tanti beneficij
 testificationem libentissimè
 consignabit.



ILLVSTRIS. AC REVERENDISS.
 PETRO ALDOBRANDINO
 SACROS. ROM. ECCL. CARD. AMPLISS.
 ROBERTVS TITIVS BVRGENSIS.



*A*s ego fortè notas duxi propè
 rante labore,
*Q*uas meus expressit non du-
 bitandus amor,
*A*tque in Te obsequium, quod,
 quamuis longius absim,
*I*pse tamen cupida nunc *Tibi*
 mente dico.

*A*c, veluti exigua procèri membra colossi
*E*fficta in tabula cernere sæpè licet,
*S*ic Tu hinc agnoscas Patruī moresq̃, animumq̃,
*E*t quæ quisq̃ in eo suspicit vsq̃ libens.
*N*ec Tua non pariter summatim gesta videbis
*H*aud expressa quidem, sed memoranda tamen.
*A*tq̃; utinam liceat cuncta hæc quandoq̃; referre
*F*usus, & maius texere detur opus.
*T*u modo præstanti Iuuenis virtute faueto
*I*pse mihi, & propèrans in mea vota veni.

E 2

A D

A D .
 EVNDEM SANCTISSIMVM
 DOM. NOST.
 CLEMENTEM VIII.
 PONT. OPT. MAX.
 C A R M E N .



T vultu, atq; animis hilares Te
 cernimus omnes,
 Aduentumq; Tuum letis clamo-
 ribus una
 Prosequimur, nec cuncta Tibi
 non fausta precamur,
 Magne Pater? magni referas qui limen Olympi,
 Et mortale genus varijs erroribus actum
 Undanti pelago superas educis in arces,
 Atq; agis in tutum dempta formidine portum.
 Nam, veluti elatum radianti vertice lumen,
 Dirigit incertos certo quod tramite cursus,
 Ostenditq; viam miseris per cœrula nautis,
 Quid breuia, & scopulos valeant superare minaces,
 Ac tuto cymba tumidos transmittere fluctus,
 (unctorum in Te oculos miris fulgoribus unum

Con-

Conuertens cæli placida statione locabis .

*Tu pacem populis, atq; aurea sæcla reducis
 Post longam annorum seriem, post bella, famemq;
 Pulchra diu monstris quibus exagitata fashiscit
 Europa, & plagas vix dum per sanat acerbæ .
 In Te tantarum procumbunt pondera rerum
 Pro Tibi commissio Christi grege, proq; vetusta
 Religione patrum, vita qui puriter acta
 Non dubitanda sui nobis exempla dederunt;
 Ut nisi sollicito verè cælestis adesset
 Aura Tibi, haud dubiè grandi sub fasce labares :
 Nam quis Gallorum potuisset pernicipiale
 Dissidium procerum stabili componere pace,
 Irarumq; æstus miti sedare quiete?
 Cum furor armasset populos, ac dextra minaces
 Hinc, atq; hinc enses Regem strinxisset in ipsum :
 At verum Christi cultum, certumq; salutis
 Presidium seu arma inter, populosq; rebelles
 Conseruasse artes longè supereminet omnes .
 Hoc solum facinus clavis Te interferet astris,
 Efficietq; Tuum ventura in secula nomen
 Conspicuum, cui tempus edax, cui nulla nocere
 Vipereo suffusa queat mala lingua veneno,
 Quamquam multa quidem possem benefacta referre,
 Quæ Tibi ad æthereas mortali in corpore sedes
 Sternis iter, rectaq; via succedis Olympo.
 Nam neq; Turcarum vires, fastusq; superbos*

Threi-

Thræcij regis sine Te Germania ferro
 Quamuis cincta latus, quamuis præstantibus ausis
 Persimilem sese numquam non iactet aurorum,
 Contudit, aut Getia armipotens, aut Dacia bellax
 Aeternum statuit truculento ex hoste trophæum,
 Ister ubi incanos prouoluens in mare fluctus
 Battoreos late pingues determinat agros.
 Deniq; præclarum ducis sine cæde triumphum,
 Caesar Atestinus dum se Tibi subijcit Ultrò
 Deposito belli studio, ac Tua iussa facefsit;
 Tantum arma ostentata procul, Tuaq; inclyta Virtus,
 Ac ius, fasq; valent, rectiq; immensa cupido,
 Qua raperis, veluti cum summo è vertice montis
 Imbribus hybernis auctus magno impete torrens
 Labitur in præceps, & cuncta obstantia late
 Proruit insultans campis vi victor, agiq;.
 Aut perterricrepum ceu cum cadit æthere fulmen
 Ab summo, quod templa ferit, quod claustra reuellit,
 Quod validas turre aperit, quod diruit arces;
 Hinc merito in Tua iura venit Ferraria diues,
 Diues opum, atq; hominum clara virtute nitentum;
 Teq; adeò exultans presentem auditq;, videtq;
 Auctorem pacis, largitoremq; salutis.
 A quo fortè oculos si quicquam dimouet, ipsum
 Respicit horum operum fautorem, alacremq; ministrū,
 Ingens qui semper querit Tibi demere pondus,
 Vt quandoq; aliqua possis requiete potiri:

Scili-

Scilicet insignem Iuuenem, cui murice Vertex
 Enitet, ac vera pectus virtute resulget,
 Flauentes licet ille tegat lanugine malas
 Nunc primum, & solide etatis vix inchoet annos.
 Sic etiam pinguis tellus cum rite subacta
 Suscepit semen sulcis, aut ordine plantas,
 Præcoces reddit fructus, & grandia poma
 Fundit ab arboribus, dulciq; infecta sapore.
 Hinc tanta Iuuenis virtute insignis auito
 Tercitus exemplo sequitur vestigia nota
 Abruptum per iter, quod Tu, fratresq;, paterq;
 Emensi primos semper retulisti honores.
 Hunc tamen interea procures, sanctusq; senatus
 Iure colunt omnes, iure admirantur & vnum;
 Nec dubitant, quin, cum illius procedere nutu
 Christicolum res incipient, quarum ipse gerit nunc
 Haude quidem exiguum partem, sit protinus orbis
 Aurea visurus longo post tempore secla.
 Inde mihi rerum nascetur maximus ordo,
 Quas ego Mæonio queram comprehendere versu,
 Si tantum mea Musa queat perferre laboris;
 Quamquam nil verear tanto duce, & auspice tanto
 Soluere cessantem puppem, & dare carbasa ventis?
 Ac quamuis tenui sulcare immensa phaselo
 Aequora, & ignotas ausim peruadere Syrtes.
 Quid non suadet amor, laudumq; insana cupido?
 At certè haud deerunt vates, qui protinus isthæc

Facta

*Facta uehant grauiore tuba super ardua mundi
 Sydera, labentes ubi Gloria despicit annos.
 His igitur Te, Sancte Pater, virtutibus auctum
 Audiit, & uidit nuper Ferraria diues,
 Diues agris, diues Cerealis mergite culmi.*

*At Verò fama celebris Tibi Felsina multum
 Præcipue gratatur ouans, nec gaudia mente
 Tanta capit proprijs excita sedibus: Hæc Te
 Grande decus mundi, solamen dulce laborum
 Excipit ingenti plausu, votisq; precatur,
 Ut Tibi sælices procedant ordine soles
 Innumeri, ac Vita in terris sine fine fruaris;
 Namq; Tibi (nec Vana ferar cecinisse, nec Vllus
 Me falsi arguerit: vitant mendacia Musæ,
 Nec fallit cortina potens, atq; augur Apollo)
 Certa sorte datum immitem superare tyrannum,
 Qui nunc Pannonios fines, & regna beata
 Quondam, nec totum non decantata per orbem
 Ignibus euastat rapidis, ac cæde cruentat.
 Hunc armis, hunc Tu diris, hunc supplice lingua
 Conceptis castè votis toto orbe fugabis;
 Ut Solymis iterum liceat præcepta salutis
 Seruare, & nostri venerari numinis aras,
 Quas ferus insultans vitis sine more tyrannus
 Disiecit passim, ac nos sine ludibria gentis
 Ostentat cunctis, sædatq; altaria templi
 Infandum Abdaridem antefereus malè sanus IESV;
 Dede-*

Dedecus heu nullis unquam delebile seclis,
 Opprobriumq; ingens regum, procerumq; piorum,
 Qui turpi assueti dudum marcere veterino,
 Aut odijs inter se se certare malignis,
 Communem produnt caussam, Christumq; trucidant.
 Ille sed interea multum fera colla tumescens
 Attollitq; minas, dira q; cupidine flagrans
 Sanguinis hinc, atq; hinc seuis circumtonat armis;
 Et nunc iam terræ, pelagi q; capeffere habenas
 Certus opes prædæ nostras, ac destinat urbes
 Excidio; atq; odijs ferrum ciuilibus in se
 Vertentem Gallum, te q; ò nil tale timentem
 Hispanæ addicet conto, Rhætumq; ferocem,
 Fidentemq; sui Germanum compede dura
 Astringet miseros, & cæco carcere condet.
 Tuq; ò adhuc sopita iaces, inhonoraq; proflas
 Europa imbellem toto de pectore somnum.
 Haud aliter, fortes si quando arsere molossi,
 Quorum peruigili commisit ouilia curæ
 Pastor in alpinus, seuas audacter in iras,
 Ac pugnam inter se ceperunt dentibus acrem,
 Mutua dum alterius querunt per vulnera mortem;
 Prædator lupus immanem pecudumq; bouumq;
 Dat latè stragem campis, ducitq; rapinas.
 Sed Tu, cui tellus, cui cæli sydera parent,
 Restitues veterem cultum, legesq; sacrorum
 Desuetas; puerosq; Deo libabis honores;

F

Im-

*Impiaq; aētutum prouolues tecta viciſſim,
 In quibus incluſum memorant infame ca dauer
 Mendacis vatis, quod gens ſclerata Mochura
 Inuiſit medios poſitum longè inter Erembos:
 Ac genus humanum miſeratus crinibus arētè
 Correptam Europam excuties, ſi fortè ſoporem
 Diſſiciat, pedicaſq; ſerum conuertat in hoſtem,
 Et miſeras longa gentes formidine ſoluat.
 Nam Te nulla quidem noctuq; , diuq; fatigat
 Cura magis, ſtimuliſq; animum pungentibus urget
 Acrius, ut cunctis caput obiectare periclis,
 Res ita ſi poſcat, vitamq; profundere quicquam
 Nil penitus dubites pro libertate piorum.
 Tunc populi confertim omnes veſtigia querent
 Olim preſſa Deo, & noſtra monumenta ſalutis;
 Nanq; petent cliuum, nomen cui Palladis arbor
 Indidit: hinc IEſVM, poſtquam penetrabilia Ditis,
 Ferratoſq; Erebi poſtes, & ſepta recluſit,
 Spontè ſua conſtat ſolium aſcendiſſe paternum
 Linquentem ſocios, & habentes nubila terras.
 Atq; pari ſtudio cunctos adiſſe iuuabit
 Golgotha, ubi clauis idem confixus acutis
 Immeritas pendit pœnas, ut faucibus Orci
 Eriperet mortale genus, cœloq; locaret.
 Nec non certatim vitrei tetigiſſe fluenta
 Iordanis cupient, lymphamq; hauſiſſe ſalubrem,
 Diuinos olim Chriſti quæ perluit artus.*

Nec

*Nec minus inuisent Siloem, laresq; perennes,
 Quis lauere assuetus pecudes ad sacra paratas
 Credidit Isacidum labes se auferre sacerdos,
 Stultus, qui veram ficta sub imagine formam
 Haud caperet, nec tanta rudis mysteria nosset.
 Multi etiam frustra quarent ingentia quondam
 Tempia Dei centum Parijs innixa columnis,
 Aeternasq; trabes, laqueata, aurataq; tecta,
 Mira quæ Solomon populis fabricauerat arte,
 Cælicolum regi sacra ut de more litarent;
 Vix tantæ molis nunc signa extantia cernas;
 Hinc ut scire homines liceat, sibi quemq; repostum
 In corde, inq; animo proprium debere sacellum
 Extruere, assidue triplex ubi numen adoret.
 At aliquis lentè perlustrans oppida, & arces
 Abramidum seclis multum celebrata vetustis;
 Horum etiam inueniet cimenta, & rudera passim,
 Nam tantorum operum vix solum busta supersunt;
 Quandoquidem Belme, Sochonq;, Acharonq;, Selisq;,
 Et Sebama, atq; Reces, Casbonq;, & Graia Sabaſte,
 Bethlemieq; arces, atq; alta mœnia Lobne
 Sparsa iacent dudum propria contexta ruina,
 Fragminaq; in campis murorum hinc inde videre
 Obsita vepretis licet, & squalentia musco,
 Atq; obducta situ, tetraq; vligine septa;
 Ut nunc indigenæ (tantum damnoſa vetustas,
 Ac hominum potuit rabies asferre malorum)*

Auribus accipiant, ceu sint ea nomina ficta,
 Hæc Tua, Summe Pater, præstabit sedula cura,
 Quæ te vel noctes cogit vigilare serenus,
 Ardentemq; animum nunc hûc, nunc versat & illûc.
 Quin Bebycum fines Ultrà, gelidumq; Danastrum,
 Grangaridûq; plagam, super & malè tuta Synarum
 Litora, & Ammericæ tractus, tractusq; Cypangæ,
 Quàq; iacent humiles dubio sub Sole Molucæ,
 Imperium dabitur superumq; , hominumq; parentis
 Proferre, & nati passim diffundere nomen.
 Nec minus efficies, ut nunc Germania discors,
 Albionisq; velint populi, Batauiq; propinqui,
 Et Morini, & Rhæti, & Tungri sacra iura, fidemq;
 Noscere post varios casus, post multa pericla,
 Quæ passa est (nec vana loquor) gens inscia recti;
 Dum sequitur commenta hominû, fraudesq; , dolosq; ;
 Et priscos magna ritus mercede relinquit:
 Ah miseri, quæ vos tandem decordia cepit?
 Quis vestras potuit pravis invertere mentes
 Artibus, atq; animas durum compellere ad Orcum?
 Scilicet, heu facinus, hæc sunt promissa, fidesq;
 Ritè quibus toties persanctè astringitis Ultrò
 Infantes, primùm cum sacra immergitis vnda?
 Sed Tu, Magne Heros, monitis, precibusq; paternis,
 Illustri exemplo vitæ sine labe peractæ,
 Sæpè Deo fuis votis, vi deniq; coges
 Hos omnes veterem cultum, moresq; priores

*Induere, atq; animi sædas abstergere sordes.
Sic Tibi sorte datum sparsas conducere in Vnum
Ad Christi præsepia oues, rabidisq; luporum
Dentibus eripere, ac sæuas arcere rapinas.*

*Fælices animæ nimium, nimiumq; beate
(Nam verè tales, quantum hîc licet esse beatis
Christi ope, & auxilio) quibus hæc spectare licebit.*

*O ego (mortali si tantum poscere fas est)
Tunc fruâr æthereis auris, ut fortè superstes
Ipse etiam præsens intersim ingentibus actis;
Hoc mihi si Christi contingat munere, sanè
Haud quicquam moror ulterius producere vitam.*

*Hæc mihi Felsineæ dictabant carmina diuæ,
Inter candenti verfor dum corpore cygnos,
Exiguus quos Rhenus alit, quos propter amœnas
Hinc, atq; hinc ripas vestra indulgentia nutrit.
Magne Pater, Tuq; eximium decus addite mundo
MONTALTE, Herculeæ cuius vada feruida Calpes
Iam fama exuperat, mox & Te præpete penna
Trans Gangem, Solisq; vias, trans æthera tollet;
Ac quæ se latis spatiosa Bononia campis
Explicat, vrbs celebris Martis, studiisq; Mineræ.
O modo ne videar vanum sumpsisse laborem,
Qui veluti ardenti percussus nuper ab æstro
Ausus sim niueos inter strepere anser olores.*



ILLVSTRISS. AC REVERENDISS.
 PETRO ALDOBRANDINO
 CARDINALI AMPLISSIMO.



VE nunc *Te* luuenem miratur ma-
 xima *Roma*,
Et vix pubentem *Felsina* docta
 colit,
Postmodo, maturis veniet cūm ro-
 bur ab annis,

In *Tua* concedet iura benigna volens:
Quin certatim omnes, quā se nouus explicat orbis,
 Subijcient placido tunc sua colla iugo.
Et qui nunc ira incensi, fastuq; tumentes
Christi se astrictos legibus esse negant,
Olim deposita cordis feritate salutis
Rectum iter arripient *Te* praeunte viam.
Tunc maior *Tybris* incedet, tunc auctior ibit
Rhenus, tunc longe pulchrior orbis erit.

ROB. TIT.



B O N O N I Æ,
Apud Hæredes Ioannis Rosij.
M D X C I I C.
Superiorum permissu.

98 946745